



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

CXIII. Concedit undecim Congregationibus Monasticis ut capiant ad  
censum, aut alio licito contractu quadraginta millia scuta monetæ pro  
prima solutione sex decimarum.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

1661.  
Conteant  
derogat.

§. 4. Non obstantibus præmissis, ac Constitutionibus, & Ordinationibus Apostolicis, nec non quatenus opus sit, dicti Ordinis, & aliis quibusvis etiam juramento confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis habentes, illis aliàs in suo robore permanens ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Dat. P. A. 7.  
die 16. Julii.

Dat. Romæ apud Sanctam Mariam Majorem sub Annulo Piscatoris die 16. Julii 1661. Pontificatus Nostri Anno septimo.

CXIII.

Concedit undecim Congregationibus Monasticis ut capiant ad censum, aut alio licito contractu quadraginta millia scuta monetæ pro prima solutione sex decimarum.

*Vide ad Constit. 190. Cum Divina, supra, quæ est In-dictio sex Decimarum.*

Edita An. D.  
1661.

ALEXANDER PAPA VII.

*Ad futuram rei memoriam.*

Motiva hu-  
jus const.

**N**uper ut nomini Christiano contra impios Turcarum Tyranni conatus, & invasiones opem ferremus, sex decimas fructuum, reddituum, & proventuum quorumcumque beneficiorum Ecclesiasticorum, ac mensurarum etiam quorumvis Ordinum, Congregationum, & Institutorum Regularium, nec non pensionum super illis reservatarum ab illis ad quos spectat intra decennium decem æqualibus portionibus nisi aliter cum Sede, & Camera Apostolica concordatum foret, persolvendas, ac alias sub certis modo, & forma tunc expressis imposuimus, prout in nostris desuper sub plumbo expeditis literis quorum tenore præsentibus pro plenè, & sufficienter expresso haberi volumus uberius continetur.

§. 1. Cum autem, sicut dilecti filii infra scriptarum undecim Congregationum Procuratores Generales Nobis subinde exponi fecerunt ipsi nomine earundem Congregationum cum Camera prædicta super solutione sex decimarum hujusmodi, mediante summa quadraginta millium scutorum monetæ eidem Camera intra totum currentem Annum 1661. præstanda concordaverint, nec eis superpetat modus congerendi summam hujusmodi, nisi illam ad censum, aut alio licito contractu capiant: Nos specialem eidem Procuratoribus Generalibus gratiam facere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodate existunt ad effectum præsentium dumtaxat consequendum, harum serie absolventes, & absolutos fore censentes.

§. 2. Motu proprio, & ex certa scientia nostra, Congregationibus prædictis Cassinensium nimirum, & Montis Oliveti, Ordinis S. Benedicti, Lateranensium Canonicorum Regularium sub Regula S. Augustini, Carthusianorum, Camaldulensium, Cælestinorum, S. Salvatoris Bononiensium, etiam Canonicorum Regularium, Vallis Umbrosæ, & S. Georgii in Alga pariter Canonicorum Regularium, Cisterciensiumque Lombardiæ, & S. Hieronymi, earumque Procuratoribus Generalibus quamvis ad hoc speciale mandatum non habeant, vel eorum substitutis, ut eum inter-

ventu dilecti filii nostri, & Camera Apostolicæ Thesaurarii Generalis, etiam absque scientia, participatione, mandato speciali, vel generali, aut consensu Abbatum, & Priorum Generalium, seu aliorum quorumcumque Superiorum, & Officialium quocumque nomine nuncupatorum earundem Congregationum, imò ipsis invitis, & reclamantibus summam quadraginta millium scutorum hujusmodi, pro rata singulas Congregationes tangente à quibuscumque personis, seu Mercatoribus eorum fidem sequi volentibus, & meliorem conditionem offerentibus ad censum perpetuum redimibilem, servata tamen forma Constitutionis sel. recor. Pii Papæ V. prædecessoris nostri super creandis censibus editæ, seu alio quovis licito, & Sacris Canonibus non improbo contractu, accipere, illamque penes Depositarium nostrum Generalem seorsum ab aliis nostris pecuniis deponere; itaut inde amoveri, nec in alios quam supradictos usus converti valeant, ac Taxam aliquam inter se pro cujusque ipsarum facultate reddituum annuorum pro solvenda quadraginta millium scutorum hujusmodi summa constituere, aut alias ratam partem reddituum prout cujuslibet ex Congregationibus prædictis minus incommodum, damnosum esse, ac magis expedire judicaverit assignare, dictamque ratam Monti Novennali, aut Religionum applicare quæ sufficiat prædicta summa quadraginta millium scutorum congerenda, factaque taxa hujusmodi eandem Monti Novennali, aut Religionum prædicto ultra alias taxas quas singula Congregationes hætenus solverunt, & solvere obligatæ sunt, assignare, applicare, & incorporare, ac super taxa, seu rata sic facienda, assignanda, incorporanda totidem loca prædicto Monti cedere, quor pro summa prædicta quadraginta millium scutorum congerenda necessaria erunt, nec non eidem omnibus Procuratoribus generalibus, seu eorum substitutis, postquam taxa hujusmodi facta fuerit, tam pro emptoris, seu emptorum Censuum prædictorum, seu eorum qui pro congerenda summa quadraginta millium scutorum hujusmodi aliquam pecuniarum summam eidem Procuratoribus, seu eorum substitutis, & eorum cuilibet, ut præferunt, dederint, vel aliàs erogaverint, seu pro eidem Procuratoribus, aut eorum substitutis in quibuscumque cedulis banchariis, cambiis, obligationibus, contractibus, & quibusvis pecuniarum hujusmodi receptionibus fidejusserint, & intervenerint, securitate, relevatione, & indemnitate quam super taxa inter ipsas Congregationes pro rata quamlibet suarum Congregationum respectivè tangente nominatim dictas Congregationes uniusquisque Procurator Generalis, seu ejus substitutus, videlicet suam etiam ab ea speciale, aut generale mandatum in Capitulo Generali, aut aliàs juxta Constitutiones ipsarum Congregationum factum non habeat, omniaque, & singula earundem Congregationum bona mobilia, & immobilia ubilibet existentia præsentia, & futura principaliter, & insolidum ipsarum Congregationum nominibus omni meliori modo, ac in ampliori forma Camera Apostolicæ obligare, & specialiter hypothecare, nec non super præmissis, & illorum quolibet, & eorundem præmissorum, & cujuslibet ipsorum occasione quæcumque instrumenta cum quibusvis submissionibus, renunciationibus, fidejussionibus, promissionibus, juramentis, cautionibus, conditionibus, cautelis, decretis, & clausulis solitis, & consuetis, ac aliàs necessariis, & opportunis, dicto Thesaurario, ac partibus ipsis bene visis celebrare, aliaque pro personarum, & Mercatorum, ac etiam pro majori Monti prædicti, illiusque Collegii, & omnium qui suas pecunias in eodem Monte collocaverint, securitate, ac aliàs super his necessaria, & quomodolibet opportuna etiam sititalia forent quæ specifi-  
cam, individuum, & expressam requirerent mentionem facere, & exequi.

§. 3. Ac ulterius ipsis modernis, & pro tempore existentibus prædictarum Congregationum Procuratoribus Generalibus, seu eorum Substitutis, ut in earum quisque Congregationibus taxam ut præfertur facien. pro rata eas respectivè tangente, inter Monasteria, & Conventus earum dividere, & ab illis exigere, & Depositorio dicti Montis quem ipsas Congregationes, tam pro præsentis additione, quàm pro prima dicti Montis erectione, & illius additione aliàs facta etiam modernum Depositarium, nisi Depositarium ipsam titulo forsan oneroso obtineat ad eorum libitum amovendo, deputare posse concedimus quotannis prout de antiquis taxis, seu ratis fieri consuevit, consignare cum facultatibus, & auctoritatibus solitis liberè, & licitè possint, & valeant, ac omninò respectivè teneantur auctoritate Apostolica tenore præsentium plenam, liberam, & amplam facultatem, & auctoritatem concedimus, & impartimur.

§. 4. Propterea pro majori Montis prædicti, illiusque Collegii Montistarum, necnon eorum qui pecunias suas in d. Monte collocabant cautela, & securitate, ex nunc pariter prout ex tunc postquam dictus Mons vigore præsentium ad quamlibet locorum quantitatem auctus fuerit quod, tam antiqua, quàm nova loca augenda huiusmodi unum idemque Montis corpus, ac ultimorum locorum emptores cum antiquis Montistis unum idemque Collegium absque aliqua prorsus ratione prioritatis, seu posterioritatis differentia constituant, ac posteriora loca illorumque emptores omnibus, & singulis gratis, exemptionibus, libertatibus, immunitatibus, & privilegiis, quibus antiquiora loca, illorumque possessores iuxta d. Montis erectionis formam utuntur, potiuntur, & gaudent, ac uti, potiri, & gaudere possunt, & poterunt in futurum pariformiter, & æque principaliter uti, potiri, & gaudere possint, valeant, & debeant in omnibus, & per omnia, absque aliqua similiter differentia statuimus, & ordinamus, volumusque etiam, ac eisdem Procuratoribus Generalibus, seu eorum substitutis, ut loca prædicta Montis vigore præsentium augendi cum interventu dicti Thesaurarii Generalis cuicumque Mercatori, seu aliis personis meliorem conditionem offerentibus pretio inter eos conveniendo vendere, & alienare, pretiumque inde redigen. ut præfertur, & non aliàs deponere liberè similiter, & licitè possint, ac etiam omninò teneantur facultatem similiter impartimur.

§. 5. Et nihilominus omnia, & singula præmissa, ac alia eorum vigore per dictas Congregationes, seu earum Procuratores Generales, aut illorum Substitutos cum interventu dicti Thesaurarii Generalis, & instrumenta desuper celebrantur cum omnibus in illis contentis licitis tamen, & honestis, ac Sacris Canonibus non improbatis, ex nunc prout ex tunc postquam facta, & celebrata fuerint auctoritate, & tenore præsentis approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos, tam juris, quàm facti, ac etiam substantialium forsan solemnitatatum quomodolibet omittarum defectus, si qui in eisdem intervenerint, præcipuè verò defectus mandatorum specialium, ac generalium ad præmissa faciendâ requisitorum motu, scientia similibus pari auctoritate, & tenore supplemus.

§. 6. Declarantes quod per huiusmodi subventionem Nobis ut petitur facien. privilegiis, immunitatibus, exemptionibus, & gratis tam per prædictum Pium prædecessorem per ejus literas sub dat. Anno 1570. 14. Kalen. Aprilis Pontificatus sui Anno sexto, quam per piæ memoriæ Clementis Papæ VIII. similiter prædecessoris nostri literas sub Annulo Piscatoris die 5. Maji 1595. ac

etiam per alias ejusdem Clementis prædecessoris literas in forma Motus proprii de anno 1597. seu alias eisdem Congregationibus concessis nullatenus præjudicatum sit, aut esse censeatur, immo privilegia, immunitates, exemptiones, & gratias prædictas, ac etiam omnes, & quascumque alias gratias immunitates, & privilegia per quoscumque Prædecessores nostros quomodolibet concessa, quatenus tamen sint in usu, & Decretis Sacri Concilii Tridentini non adferentur, harum serie quatenus opus sit de novo confirmamus, approbamus, & innovamus, illaque eisdem Congregationibus inviolabiliter observari mandamus, etiam si tam literæ prædictæ Pii V. quàm Clementis Prædecessorum huiusmodi, & aliæ quæcumque super præmissis in Camera Apostolica registratæ non essent, non obstantibus Constitutione similis memoriæ Pii IV. pariter prædecessoris nostri de quibuscumque literis, & gratis interesse Cameræ concernentibus registrandis, volentes etiam quod præsentis nostras in eadem Camera registrare, seu registrari facere minime teneantur.

§. 7. Decernentes insuper ea omnia, & singula valida, firma, & efficacia esse, & fore, suosque plenarios, & integros effectus sortiri, & obtinere debere, ac per omnes, & singulas Congregationes prædictas, perinde, ac si Procuratores, seu eorum Substituti prædicti illas cum speciali earum mandato obligassent, ac alios omnes ad quos spectabit observanda esse præsentisque literas nullo unquam tempore etiam ex eo quod prædictæ Congregationes, & quicumque alii ad quos spectat præmissis expressè, & nominatim non consenserint, aut aliàs quomodolibet de subreptionis, vel obreptionis vitio, aut intentionis nostræ, vel alio defectu notari, impugnari, invalidari, infringi, in jus, vel controversiam revocari, aut sub nullis revocationibus, suspensionibus, reductionibus, limitationibus, aut modificationibus comprehendere minime posse, nisi de earundem præsentium toto tenore specialis, & ad verbum expressa mentio facta fuerit, sicque per quoscumque Judices Ordinarios, & delegatos etiam Causarum Palatii Apostolici Auditores, ac ipsius Cameræ Apostolicæ Præsidentes, & Clericos, ac S. R. E. Camerarium, Thesaurariumque prædictum, & alios dictæ Cameræ Ministros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 8. Quocirca dilectis filiis nostro, & S. R. E. Camerario, ac Thesaurario Generali prædicto, ac Causarum Curie Cameræ Apostolicæ Generali Auditori per præsentis committimus, & mandamus quatenus ipsi, vel duo, aut unus eorum per se, vel alium, seu alios easdem præsentis, & in eis contenta quæcumque solemniter publicantes, ac in præmissis omnibus, & singulis efficacis defensionis præsidio assistentes faciant auctoritate nostra præmissa omnia, & singula in præsentibus expressa, & illarum vigore faciendâ, quæcumque ab omnibus ad quos spectat inviolabiliter observari, Contradictores quoscumque, & rebelles, ac præmissis non parentes per censuras, & pœnas Ecclesiasticas, aliæque opportuna juris, & facti remedia omni, & quacumque appellatione, reclamatione & recurso postpositis compescendo, invocato etiam ad hoc, si opus fuerit, auxilio brachii secularis.

§. 9. Non obstantibus quibusvis Constitutionibus, & Ordinationibus Apostolicis præsertim scilicet recor. Symachi, Pauli II. Pauli IV. Pii V. & aliorum quorumcumque Romanorum Pontificum prædecessorum nostrorum de rebus Ecclesiæ non alienant. earundem quoque Congregationum, & cujuslibet earum, Monasteriorumque singula-

Decretum  
irritans.Executores  
deputati.Contrariis  
derogat.

rium statuta, & consuetudinibus etiam juramento confirmatione Apostolica, vel quavis firmitate alia roboratis, privilegiis quoque indultis, & literis Apostolicis etiam in vim contractus, aut Motu proprio, vel consistorialiter eisdem Congregationibus, illarumque Superioribus, & Personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, ac aliis decretis in genere, vel in specie, ac aliis in contrarium præmissorum quomodolibet concessis, approbatis, confirmatis, & innovatis. Quibus omnibus, & singulis etiam si pro sufficienti eorum derogatione de illis eorumque totis tenoribus specialis, specifica, & expressa, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur presentibus pro plenè, & sufficienter expressis habentes illis aliis in suo robore permanens ad præmissorum effectum hac vice dumtaxat specialiter, & expressè derogamus cæterisque contrariis quibuscumque.

Dat. P. An.  
7. die 21. Nov.

Datum Romæ apud S. Mariam Majorem, sub Anno Piscatoris, die 21. Novemb. 1661. Pontificatus Nostri Anno septimo.  
Originale conservatur in Archivio S. Mariæ Pacis de Urbe, Canonicorum Regularium, Congregationis Lateranensis.

CXIV.

Innovatio Constitutionum, & Decretorum in favorem sententiæ asserentis, animam B. Mariæ Virginis in sui creatione & in corpus infusione à peccato originali præservatam fuisse, editorum.

*Conceptionis B. Mariæ Virg. disputatio, quomodo sit prohibita & punita, vide ad Constit. 114. Pii V. & Pauli V. Constit. 97. & Gregor. XV. Constit. 34. Sanctissimi.*

Edita An. D.  
1661.

ALEXANDER PAPA VII.

*Ad perpetuam rei memoriam.*

Exordium.

Sollicitudo omnium Ecclesiarum, quam licet meritis & viribus longè impares, Dei Optimi Maximi voluntate, & providentia gerimus, in id Nos anxie tenet intentos & vigilantes, ut scandala quæ inter fideles pro humana naturæ corruptione & fragilitate necesse est ut veniant, quantum fieri potest paucissima exoriantur, utque exorta quam celerrimè, & quam diligentissimè amoveantur; nam iis per quos veniunt certam peccati perniciem, quibus verò præbentur præfens afferunt labendi periculum; quorum Nos pro nostro pastoralis officii debito, & damnum summopere dolemus, & discrimine assidue utimur.

Pietas Christi fidelium in festivitatem Conceptionis B. V. M.

§. 1. Sanè vetus est Christi fidelium erga ejus Beatissimam Matrem Virginem Mariam pietas, sentientium, ejus animam in primo instanti creationis, atque infusionis in corpus fuisse speciali Dei gratia & privilegio, intuitu meritorum Jesu Christi ejus filii, humani generis Redemptoris à macula peccati originalis præservatam, immunem, atque in hoc sensu ejus Conceptionis festivitatem solemniter ritu colentium, & celebrantium; crevitque horum numerus, atque hujusmodi cultus post editas à fel. rec. Sixto PP. IV. prædecessore nostro in ejus commendationem Apostolicas Constitutiones, quas Sacrum Concilium Tridentinum innovavit, atque observari mandavit. Auçta rursus, & propagata fuit pietas hæc, & cultus erga Deiparam post erecta hoc nomine, approbantibus Romanis Pontificibus,

religiosum Ordinem, & Confraternitates, ac concessas ab iisdem indulgentias, itaut accedentibus quoque plerisque celebrioribus Academiis ad hanc sententiam, jam ferè omnes Catholici eam complectantur.

§. 2. Et quia ex occasione contrariæ assertio- nis in concionibus, lectionibus, conclusionibus, & actibus publicis, quòd nempe eadem Beatissima Virgo Maria fuerit concepta cum peccato originali, oriebantur in populo Christiano cum magna Dei offensa scandala, jurgia, & dissensiones, recol. memor. Paulus PP. V. etiam prædecessor noster vetuit horum opinionem præfata sententiæ contrariam publicè doceri, aut prædicari. Quam prohibitionem piæ mem. Gregorius PP. XV. similiter prædecessor noster ad privata etiam colloquia extendit; mandans insuper in favorem ejusdem sententiæ, ut in sacrosancto Missæ sacrificio, ac divino officio celebrandis tam publicè, quam privatim, non alio quam Conceptionis nomine uti quicumque debeant.

§. 3. Nihilominus, prout Venerab. fratres Episcopi ferè omnes Hispaniarum cum Ecclesiarum suarum Capitulis datis ad Nos literis exposuerunt, accedente etiam insinuatione charissimi in Christo filii nostri Philippi earumdem Hispaniarum Regis Catholici, qui speciale super hoc misit ad Nos Oratorem Venerab. fratrem Ludovicum Episcopum Placentinum, per quem etiam delata fuerunt ad Nos supplicationes Regnorum earumdem Hispaniarum, pergunt aliqui contrariæ illius opinionis assertores contra præfatas prohibitiones tum privatim, tum publicè præfata sententiam aut impugnare, aut vellicare, & favorem à Romanis Pontificibus cultui, & festo secundum illam præstitum ita interpretari, ut frustrentur; imò Ecclesiam Romanam huic sententiæ, & cultui juxta illam Beatæ Virgini exhibitio favore negant, pios Christi fideles è sua pacifica quasi possessione deturbare conando; unde offensiones, scandala, & jurgia, quibus obviare voluerunt Paulus V. & Gregorius XV. nostri prædecessores perdurant adhuc, & ex occasione eorumdem avversantium majora his incommoda in posterum prouiderent, & meritò timentur. Quapropter super his tam præfati Episcopi cum Ecclesiarum suarum Capitulis, quam memoratus Philippus Rex, ejusque Regna Nobis pro opportuno remedio instantè supplicari fecerunt.

§. 4. Nos considerantes quòd Sancta Romana Ecclesia de intemerata, semperque Virginis Mariæ Conceptione festum solemniter celebrat, & speciale, ac proprium super hoc officium olim ordinavit juxta piam, devotam, & laudabilem institutionem, quæ à Sixto IV. prædecessore nostro tunc emanavit; volentesque laudabili huic pietati, & devotioni, & festo, ac cultui secundum illam exhibitio in Ecclesia Romana post ipsius cultus institutionem nunquam immutato Romanorum Pontificum prædecessorum nostrorum exemplo favore, necnon tueri pietatem & devotionem hanc colendi & celebrandi Beatissimam Virginem, præveniente scilicet Spiritus Sancti gratia, à peccato originali præservatam; cupientesque in Christi grege unitatem spiritus in vinculo pacis, sedatis offensionibus, & jurgiis, amotisq; scandalis, conservare: ad præfatorum Episcoporum cum Ecclesiarum suarum Capitulis, ac Philippi Regis, ejusque Regnorum oblatam Nobis instantiam ac preces, Constitutiones, & Decreta à Romanis Pontificibus prædecessoribus nostris, & præcipuè à Sixto IV. Paulo V. & Gregorio XV. edita in favorem sententiæ asserentis, animam B. Mariæ Virginis in sui creatione & in corpus infusione Spiritus Sancti gratia donatam, & à peccato originali præservatam fuisse, necnon & in favorem festi, & cultus Conceptionis ejusdem Virginis Deiparæ secundum piam istam sententiam, ut præferatur, exhibitio, innovamus, & sub censuris, &

Contraria opinio publicè doceri non potest.

Supplicatio Regnorum Hispaniæ.

Innovat Constitut. prædecessorum Pontificum.